

第二〇八冊

方輿彙編

山川典

海部

三〇九—三二〇
(卷)

古今圖書集成

中華書局影印



古今圖書集成

卷一百一十五

欽定古今圖書集成方輿彙編山川典

第三百九卷目錄

海部彙考三

考

海部彙考四

考

周

漢

晉

隋

唐

宋

徽

金

元

明

清

皇

清



山川典第三百九卷

海部彙考三

考

按福建通志福州府閩縣東南距海潮南則由粗蘆門北湧海潮東則由閩安鎮西湧皆會於馬頭江復分爲二一入西峽一入南臺復合於馬渡竹崎與水口下諸溪相接仍回流而沒焉是潮也在永北合北里猶兼鹹鹵至馬頭江則皆淡矣潮至郡城下分爲三派一由水部門入城一遶城南一遶城東皆與南臺江通者也浸淫及於陽岐古靈浩江瓜山諸處旁入港浦幾徧候官縣界其濱海可耕之地唐太和中閩邑令李茸築石堤跨閩興長樂東界以障鹹鹵墾田無數又有一等洲田潮至則沒不退仍無害於禾不假人牛而收穫自若有力之家隨便占據但東流西復遷徙不常利害亦相當云今將潮信具列于後每月初一十六寅正三申正三初二十七卯初三酉初三初三十八卯正三酉正三初四十九辰初三戌初三初五二十辰正三戌正三初六二十一巳初三亥初三初七二十二巳正三亥正三初八二十三午初初子初初九二十四午初三子初三初十二十五午正一子正一十一二十六午正四子正四十二二十七未初三丑初三十三二十八未正二丑正二十四二十九申初一寅初一十五三十申初四寅初四此潮信之候也江潮常緩海潮三刻及入府城內外諸河則愈緩矣猶當視其遠近爲先後各以意推其他海舶貿易往來淮浙交通之間各以十五潮爲率蓋水路視潮次停泊猶驛鋪也潮隨月長晝夜

至如符契商舶估載趨避不爽五代閩時納貢吳越朱有鹽倉歲運福清長樂糯粒舳舨相銜明無海運而泛海之航所在多有

長樂縣海在縣東南

連江縣海在縣東南

羅源縣海距縣治三十餘里

福清縣海在縣東南潮汐凡二派一派入海口鎮一派入迎仙港有澳有網門西洋半潮五里抵鍾門嶼五十里抵大小練一朝八十里抵鹽嶼一朝五十里抵海口鎮東洋一朝一百五十里抵東牆外屬東洋數百里外淡水界南洋由海下寨五里抵石湖一朝一百里抵水馬門一朝一百一十里抵芬頭一朝八十里歷塘嶼一朝一百五十里抵東樂西樂洋一朝一百五十里抵磁澳遙迤前抵南交屬長樂界興化府莆田縣海在縣治東南八十里漳州府海澄縣海在縣治東南八十里福寧州海出州城東三里即通潮東西皆濱海潮入十都爲激港入八都爲估門港入七都爲烏崎港入二三都爲金臺港入一都爲松山港董江海潮入州東十七都是爲董江相傳董奉煉丹於此

福安縣海在縣南自黃崎鎮出爲大海寧德縣海在縣東南至白袍山通大海青山洋在三都俗呼鐵墩門過三江入洋出大海臺灣府臺灣縣地屬東海地既東而月常早上十七八夜月臨卯辰僅在初昏故潮水長退視同厦亦較早焉同厦初一十六潮滿于午而盡竭於卯酉初八

黃崎山在香山北十里環三面皆海

圭峯在縣東北海濱與黃崎山相對於海門

大聖巖在圭峰北亦濱海

樂嶼在大聖巖東北海中

按興化府志莆田縣持久山發脉自雙髻山嶺萃蜿蜒數里許入海海中突起二嶼一色鬱葱名青嶼一色如瑞名赤嶼皆壘石狀類覆釜

大蚶山在府城外東七十里大海上

柯山由壺山東南行至海而止舊名松山

大孤嶼小孤嶼俱在縣東七十里海上

嵩山在海濱其山峭拔上有嵩山院

小嶼在海中潮退有石橋可渡居民千家

礪山在海中石如礪舊作礪山

簪龍山通志載有龍空井在山下林蒙亨螺江風物賦大海迎其潮兮支分於簪龍嶽秀

涓洲嶼一名希江有黑白搏石可爲碁子在大海中與琉球相望天后廟在焉洪武末樂中兩加封號香火甚盛廟其故居地也林艾軒與林晉仲書海中一山名涓洲隔岸視之約五七里許一水可到此洲乃合兩山蜿蜒之狀有田數十頃可耕可食魚米極易辦可以卜室讀書隔絕人世無賓客書尺之擾島居之樂惟某爲知之

赤崎山在海中土色赤

南日山舊名南匿在平海衛東大海中與琉球相望南洋海堤自興福里東山陡門東邊樓下埭起至今澳翁石阜埭止堤長九百九十五丈一尺基廣六丈或五丈面廣一丈五尺或三尺高或一丈三尺二尺

因地勢損益於其間也

東山陡門西畔落仔埭起至鵝脰庵連江里接界止堤長七百三十丈

連江里鵝脰庵以北起至東角止約長二里堤長五百四丈

東角至遮浪約長一里堤長二百丈

遮浪新莊埭十三分埭曲灣埭厝後埭堤長七百六十一丈二尺

海邊村自遮浪頭新莊埭溝起至港東屋江西塔埭止堤長八百九十六丈四尺六寸

屋江自海邊葉厝埭起至陳埭尾船澳止堤長三百七十三丈八尺

港東西邊至林墩陡門約長一里堤長二百餘丈

林墩陡門至港西約長一里堤長二百六十丈

港西週遭曲折至寧海橋南岸止約長一里半堤長四百二十丈

寧海橋南岸之西歷下江頭至下埭止約長二里堤長五百四十丈

莆田里下埭以西歷游埭至西江約長四里堤長九百六十丈

西江至清浦西溝約長一里餘堤長二百八十丈

西溝尾至國清里洋城地方約長一里半堤長四百四十丈

國清里洋城陡門起至落仔埭陡門止週遭曲折約長一里堤長二百六十丈

南力里章魚港起至白埭止週遭曲折約長四里堤長九百二十丈

胡公里古山陳使埭起至熙寧橋頭止約長二里堤長五百六十丈

熙寧橋上歷何厝至三涵止約長一里半堤長四百八十丈

維新里後廖至鄭坂止約長一里半堤長四百九丈

右海堤惟東角遮浪二處在東北方潮水衝激古有石砌海堤洪武二十年江夏侯周德興將石堤拆卸平海莆禧二城堤僅泥築三十年崩者民朱存仁赴京建言上差林汝楫同通判董彬起工協築永樂三年又崩者民林孟達赴京建言得積字八百二十號勘合照舊協築四年又崩有者幹黃元禮起工督築基址不平成化六年又崩知府申文撫按起通縣民夫七千餘人移高更築功最鉅自是郡縣時加修治十六年八月颶風激浪堤大崩知府劉澄瞻看起民夫協築二十三年又崩知府申文御史董復委同知桂籍督築弘治三年又崩同知朱梅爲給築堤工食人稻一石五六兩年颶風重作堤太崩者幹謝養呈請計工助築嘉靖十三年又崩知府黃一道於沿海潮汝衝激去處築天地元黃四石礮用巨木雜竹爲樅內寔亂石潮勢稍殺乃疊石成之極爲有功未幾解官去同知譚鑑爲終其役東角人建崇勳祠遮浪人建功德祠各塑黃譚二公祀之二十九年東角土石二堤俱壞推官張淵委勳砌築功既成發倉賑濟蠲免秋糧四十三年時城陷民竄海堤失守重以風雨衝決水溢薄城邑人御史林潤疏請帑金修治陂塘陡門海堤巡按李邦珍檄知縣莫天賦周覽相度約省工費可四五千金且以東角遮浪爲要害支帑

金千有餘兩用石縱橫交砌極爲有力萬曆六年遮浪堤壞邑人尚書郭應聘請於巡撫龐尚鵬得郡羨郵金四百兩釐堤田銀六百兩委通判許培之督築計四百二十丈添設石磯一所以殺水勢邑人給事中鄭茂記十六年東角堤壞里人知縣謝應典等呈御史鄧鍊動支帑金五百七十五兩行知縣孫繼有重修計四百八十二丈二尺十九年知縣孫繼有申請支帑金一百六十餘兩加築石堤者民因塑孫像祀於東角崇勳祠中三十年遮浪堤壞知府李茂功申巡撫金學曾請給備賑銀四百八十兩重修又添設石磯一所

連江里吳水港堤萬曆三十七年壞邑人檢討周如磐捐金募衆砌築石碼并砌石道自吳水港至清江頭止共三百餘丈

北洋海堤自待賢里江口橋南岸起至新豐墟止約長一里許堤長三百八十丈

新墩起至南隱莊陡門止約長一里半堤長四百八十丈

南隱莊陡門西起至永豐里下蔡東止長不及里堤長二百丈

永豐下蔡起至下劉止約長一里堤長二百八十丈望江里金墩陡門南起曆洋中牛路亭至桐模止約長五里許堤長一千三百八十丈

延壽里端明陡門東起至柴板橋止約長一里堤長三百二十丈

新港陡門東岸歷至港頭止約長一里堤長三百二十丈

仁德里新港陡門西岸起至利墩止約長半里堤長一百七十丈

利墩起至港尾止約長半里堤長一百八十丈

孝義里新橋南岸東歷大西埕後宮下蔡南埕至寧海橋北岸東止約長五里

寧海橋北岸西起歷嶺巖尾嶺前三步吳塘止約長六里

新橋南岸西起歷西湖陳壩陡門止約長二里以上孝義地界共計堤長二千八百一十二丈四尺

延興里自孝義里吳塘起至東洋不及里許堤長二百單三丈

東洋起至港邊止約一里堤長二百四十五丈

港邊起至南箕止約二里堤長四百八十六丈

南箕起至蘆浦陡門止約二里許堤長五百四十丈

蘆浦陡門兜起至月峰莊止約二里堤長四百九十五丈

月峯莊起至樓前社東廂地界止約一里堤長二百五十丈

按漳州府志郡治附郭龍溪縣去海尚百里而遙潮汝應焉按海固八維之浸而百川之宗也山海經獨稱閩在海中爲岐海云而漳海則天之東南隅也郡所領十縣惟海澄漳浦詔安三縣近海龍溪亦稍近焉以澄爲龍溪之分界故其在海澄潮由濠門海滄之二夾港入分爲三派也一派入柳營江至北溪止

一派入浮宮至南溪止一派自泥仔烏礁入福河繞郡城過郡南門至西溪止諺云初三十八流水長至渡頭復分小派於浦頭抵於東湖小港則龍溪一縣

實兼有之其在漳浦有四派一派由太武山外斗米澳入至石埭頭江止一派由井尾白石夾港而入佛潭橋至東坂港頭止一派由陸龍所虎頭山入由舊鎮經鹿溪繞縣治至西廟灣止復分派由竹嶼入浯江橋數里止一派由古雷之南銅山所之北經大礮荷步至雲霄西林止其分派小港尚夥而不勝紀其在詔安有三派一由銅山之大京門入於五都百浦走馬溪止一由懸鐘之北港門入經漸山匯於梅洲上湖止一由懸鐘之南港入經赤石灣繞縣治至甲洲止其從南澳入者則潮之黃岡廣之南海矣

漳浦縣良山在縣東南十五里其山高數百丈東峯距海

鼓雷山在縣南海濱

燈火山在縣東距海里許海舟夜行者或見山上光焰如燈故名

臺山在縣東六十里高數十仞平坦如臺近觀與諸山齊峙海上

太武山在縣東北一百里二十三都境山高千仞週迴互百餘里屹立海上端重聳峭其南五里鎮海衛在焉東望大海汪洋無際一防其巔則漳泉風景盡在目中

石多奇跡有浴仙盆仙人跡宛然旁大石刻象徑雲根洞五大字有石塔工緻即延壽塔中可坐數十人高數仞海中歸航望以爲標

魚腸嶼在海外

竹嶼居民數百家歲獲魚鹽之利上二嶼俱在七都海門中

石城嶼

菜嶼

將軍嶼盤石疊聳舟舶不通濱海者多乘筏以取海蛇相傳陳元光嘗駐兵於其上故名以上三嶼俱在縣東南十五都大海中

漳浦之東界海澄者為原嶼海衛擁列三所遵海而東為原陸鰲所首漳浦縣之丹麓山自鐵甕坑南行迢遞三十餘里平沙漠漠三面皆海唯正北可以陸行所城如巨鰲戴山舊名青山亦曰鰲山山腰人家鱗次相疊雖雨夜海中常見燈火最為奇觀橫嶼菜嶼雙石雙洲俱在海中又巨海之濱是多潛龍焉曰龍潭

蒼陵去城南十里屹峙海中

烏石平山大甘山小甘山俱在海中晴明望見遇風濤則隱一潮水乃可至

詔安縣大帽山在五都東負大海山勢高聳宋陸秀夫陳宜中扶帝昺泊龍舟於此又高出海濱半入於海者為川陵山時帝昺南渡將都南澳築此為東京地遂陷為海其城堞猶存

漸山屹立於東南海上有石榴遺洞存焉

川陵山在五都東海濱半入海俗傳帝昺南渡將都南澳築此為東京地遂缺陷為海今城堞尚存自山巔下向海莫窮其際海中尚有木頭竹葉潮退風靜都人駕舟取焉

羊角山在五都張塘堡東南海上

虎仔嶼南村嶼崎嶇大眠嶼四嶼在川陵南大海中甘山在五都南面海中遠視若有小髻天起颶風驟雨其狀變幻若屏若屋若獅象之形四面皆海

南澳山在海門西砥柱海中過二百餘里海澄縣南岐鋪頭山在南溪之陽海水逆潮江水倒流

浯嶼在同安界海上潮汐環轉其下

胡史二嶼在一二三都海門上下延袤數里

嵩嶼

長嶼二嶼俱三面臨海

丹霞嶼一名赤嶼晏殊類要云海上有石朝色如丹晚色如霞故名

圭嶼一名雞嶼在海口中中央

月港在八九都外通海潮

鴻江隸許林頭隸西隸後林隸石園隸北市隸埕邊隸海倉隸澳頭隸石甲隸林尾隸觀音後隸陵坑隸赤石隸鍾林尾隸暫尾隸長嶼隸莊水頭隸山頭隸

東坑隸馬厝前隸後逕隸後浦隸劉厝前隸排頭隸吳貫隸鄭墩隸陳觀隸石龜隸東頭隸蘇隸坑口隸

南外隸以上隄防共長三千九百九十七丈各高一丈五尺厚一丈八尺蓋東南瀕海恐潮汐浸淫故築隄以防禦之

姚公浦在祖山鋪開接太保州舊有普賢港斗門蓄洩去海稍近易雜鹽潮萬曆三十四年知縣姚之蘭

即祖山頭開圳內接普賢外接世臣港通盧沈港引石碼溪淡水倒流而入仍引達於學宮之泮池砌斗

門於世臣港以便蓄洩云

泥上海岸在東門外知縣韓鍾捐金修築

按福寧州志火焰山在州城東南海中嘉靖己未叅將黎鵬舉迎敵倭寇於中流大破之

松山在州東南十里許海中

崙山海中嶼也在州東南七十里山高而中拗如孟原名孟山中有三十六澳明洪武初江夏侯周德興以其孤懸海中徒為廢地旁有小山曰艮山有嶼曰日嶼有七星山浮出海面如七星然

慧日山在州城西北二里右刻慧山泉通仙臺六字山下曰溫麻里近接崎嶇有二巖故老相傳海潮通

此

黃崎山在州城東沿海百一十里十一都貫入海中崎嶇嶺俱在州西二里故老相傳海潮通於此處

二崎皆海濱舊有名號也州之陽蓋為巨浸矣滄海桑田如此

洪山在州城南三十里四十一都山有石洞洞口石窠石罅石泓泉通海眼深不可測

羅浮山去州城南五十五里大海濱相傳浮海而來舟泊此山可避北風有石笋山上有清泉一穴冬夏

不竭旁有文崎山與武崎山相對廣袤五里週圍皆海水上有玉井峯鐘冠峯羅漢巖金牛跡桃花村梅

花坡凝烟積霽如海上青螺

瀧山去閩峽東南海中六七十里凡東西南北四瀧惟東北二瀧可以泊舟明季時倭人泊舟必取汲於

此

四城山在瀧山旁危峭壁立隔溪有小麻馬山松崎嶺

犀山中石洞深不可測緣崖而上洞有蠟殼燐火夜

光

獅子巖在少林峯頂二巖相顧俗呼為雌雄獅子

方輿彙編山川典第三百九卷海部

第二〇八冊 之〇三葉

小洪山在州城南七十里高聳亞於洪山上有天地闊二三畝四時不涸天欲雨則吐霧西有仙崎三石浮於江中相傳葛洪燕羣仙於此

漁洋埠山在州城南四十五里第四十二都大海之濱其山勢如同蜂腰積石磊磊大凡浮海者往來皆由于此

坑嶼在州城之西南五十五里第四十五都其嶼突出海中形勢奇特潮退沙徑可行泥潭中長可一里許

白瓢山在州城南七十里第四十八都石白如瓢臥大海中山脊與寧德界

筆架山在州城南七十五里第五十二都三峰如筆架浮海上

南北港在州城南百里第五十三都三面皆海惟一隅地接大金山

萊臺龍潭在五十二都閭峽前海中為龍所居味獨淡舟過多危歲早禱雨輒應

曲井在西新城中相傳此井竅通於海

阜崎雙井在四十都其地濱海賴以汲爰福安縣海在縣南自黃崎鎮南出為大海

六印江在三十二都海中小嶼凡六故名寧德縣出北門東北行十里海上有瑞峯秀拔萬仞與白鶴相對

二都海中有二山曰真龜曰秦澳按臺灣府志本郡四面環海惟鷄籠東南一帶舟行約三更水程則不可前過此下溜乃衆水朝東之處一下溜則不可復返故宜慎之

浪嶠南嶼去沙馬溪頭一潮水遠視微茫舟人罕至昔有紅毛合慣熟長年駕舟至彼見有番人赤體牧羔羊將羊一羣縛至海岸與紅毛換布紅毛出艇亦御布於岸示之如番來收布紅毛方敢取羊否則趕回今灣地之羔羊是其種也

鳳山縣沙馬磯頭山在郎嶠山西北其山西臨於海小琉球山在鳳山西南海洋中周圍約有三十餘里諸羅縣鷄籠嶼在海洋中

按廣東通志分水在占城之外羅海中沙嶼隱隱如門限延綿橫亘不知其幾百里巨浪拍天異於常海由馬鞍山抵舊港東西注為諸番之路天地設險城華夷者也由外羅歷大佛靈以至崑崙山自朔至望潮東旋而西既望至晦即西旋而東此又海中潮汐之變也惟老於操舟者乃能察而慎之

鐵板沙成化二十一年乙巳憲廟遣給事中林榮行人黃乾亨備冊封之禮如占城是役也軍民之在行者千人物貨太重而火長又昧於徑路次交趾之占壁囉誤觸鐵板沙船壞二使溺焉軍民死者一十九人

按廣州府志南海縣南海在府城南一百里浩淼無際東流閩浙南通島夷潮源於東南大洋入於虎頭甲子二門以達於斜西海其南則入於崖山其支分旁流則會於府城南其中多珠璣玳瑁紫貝大龜鱉鮑鱗鯉有海人焉見之則風有魚焉長二丈腹有兩洞皮可以飾刀劍其名曰鰐其中有軒轅之丘鸞自歌鳳自舞是為天樂其外有炎洲洲上有獸焉如狸以青鐵椎擊之輒死張口向風而活其名曰風生可

以療暴疾洲之下多鯨人

浮丘山在郡城西一里相傳為浮丘丈人得道之地即浮羅朱明之門戶昔在水中四面驚痕宛然宋初有陳崇藝者年百十二歲自言兒時見山根藤船數千今去海已四里惟餘山頂高僅數尺番禺雜記東有投龍井後為人所渴一旦自塞下有珊瑚井海神獻珊瑚於此

海目山在郡城西南一百四十里山在九江海中兩峯並列如目

番禺縣堯山一名凌山在府城東北十五里海中彈子嶺在府城南十八里特生海傍其形圓

山門岡在府城東北三十八里旁曰飛雁嶺曰鷄籠岡其山峻嶮中藏羣峯下枕菱塘接洋海

戩旗岡在府城東二十里南海神廟前海中莫測其高周十餘丈

珠石在府城南海中以形名屹峙洪濤中

琵琶洲在府城東三十里海中有三阜東路之舟泊焉又東十里海中曰浮練洲多白沙城南四十里沙灣海中曰澳洲四時多鬱蒸之氣其傍多螺蚌

順德縣仰船海在城西南七十里出三瀝沙西通香山皆自北而南注南海

東莞縣三門海在城西南六十里白沙巡檢司之南海上有三洲潮自東南來至此分而為三過此而復合

武山在縣城南五十里突起海中有武勇狀故名潮汐消長高低可辨宋余靖嘗候潮於此

桂角山在縣城南二百五十里濱於海

虎頭山一名秀山在縣城西南五十五里大海中潮汐出入其中甚洪

大奚山在縣城南四百里海中

梅尉山在縣城西南二百八十里其上有宋帝石殿存焉又西南二百八十里曰官富山有民居之又山曰凹背曰陶娘曰福建曰洛隔曰七娘曰東姜曰龍鼓曰Y洲曰南亭曰泊潦曰稍舟曰翁鞋曰竹沒曰深澳曰桑洲曰寧洲曰龍穴曰枯洲曰大小磨刀曰零丁曰枝杯曰南洲曰蛇西曰珊瑚凡二十六山俱在大海中

青紫峯在縣南十里其山朝暮異色朝霞則青夕照則紫又南十六里曰筆架峰二峰屹立大海中海月巖在縣西五里海濱

佛堂海門在縣南二百五十八里源於牂牁經官富山西南入於海

合蘭洲在縣南二百里海中與龍穴洲相比其上多蘭旁有二石海潮合焉屢氣凝焉又有馬鞍洲急水旗角洲大王洲上下橫當洲並在大海中

圓沙在縣城西二里海中

新會縣天河海在城東四十六里中有草鞋洲高水面尺許巨浸不沒與波上下云

江門海其水有二左逕石嘴至虎頭門入於海右逕縣落入於熊海隨潮消長達於厓門其東逕香山爲小梁海其西逕蜆岡自北而東至厓門入於牂牁是爲南海

圭峯山在縣北二里東南有東熊子山周十里西南有西熊子山周五里並峙海中

厓山在縣城南八十里大海中與奇山石對峙如門朱祥興中帝昺舟師次焉爲元將張弘範所迫丞相陸秀夫負帝赴海與禮部尚書徐宗仁兵部侍郎茅湘樞密使高桂等同死之

湯瓶嶺山在縣南八十里又東南五十里曰鵝洲山在海中

小梁海在新會縣東三十二里流接香山其中多鱸鮑多鰓鯉

天臺山在城西南三十里脈發將軍山突起數峯東盡於海

熊子山在城南二十一里山凡四在海中曰鼠熊曰馬鞍熊曰東熊曰長熊熊音那三足鼉也

香山縣第一角海在疊石海之南海門淺隘南抵大洋乃南鄙之咽喉也

石岐海海中多洲潭種蘆積坭可以成田

九星洋在城東南海中有九島如星

東洲門海在縣東海濱二山若門潮汐悍急

零丁洋在縣東海中其上有山其下潮汐迅急

金星洋在縣東海中

牂牁大洋在大洋中山最多皆島夷所居唐鄭愚有泛海詩

三水縣金洲山突起江中周二百丈高五十餘丈其下鬱水西來會陶滙翁諸水經此南流入於南海

香山縣笏山在城北一里山瀕於海

長洲山在城西北二里海中

相合山在城東南四十里

長江山在城東南四十里

三洲山在城東南五十里三山並立海中
浮虛山在城北七十里海中與波上下南海有浮石之山疑卽此

石岐山在縣西北一里多石南入于海原設有烽墩遙與蓮峰相對土燥多石直抵於海

老安山在縣西南半里爲縣水口衝要西臨於海香爐山在縣南六十里峯崖幽峻東界白銀水西赴海

鴻鶴嶺山一名鴻鶴尖秀峯挿天三面臨海
象角山在縣西十里西北臨海

烏巖山在縣東南六十里東抵雲梯諸山赴海
四巖山在縣東六十里高聳北臨海其東曰日角山三面臨海

東洲山在縣東七十里海中潮汐湍激舟不可渡
平田山在縣東八十里臨海

南萌山在縣東八十里東北臨海
大芒山在縣南九十里雍陌村勢如奔龍昂首睨于巨海

鳳凰山在縣城東南二百五十里東介南坑北接官塘岡西爲金竹園白城石古壑諸峯南赴海其上多產山蘭鶴頂杜鵑諸花與南山對峙迤邐東馳於海瀑布之水出焉

未泰山在縣東北海中一百里大海之東曰三角大海之西曰坡頭皆護浮虛

黃楊山在縣西南四十二里又東北八十里曰馬鞍山烏洲山古鎮山俱海中

金星山在縣東一百五十里大海中

大小橫琴山俱在縣城南二百里大海中

錫坑山在縣城南二百八十里大海中

知洲嶼在縣城南大海中

增城縣東洲在縣城南八十里海中民環居之

新安縣三門海在縣城西北五十里大茅山之西中

有虎頭山龍穴洲合蘭洲諸島東南之海連惠州西

南之海連香山皆接大洋浩淼無際

桂角山在縣城南一百七十里山濱于海

大奚山在縣城南二百里大海之中

梅蔚山在縣城西南二百里大海中

合蘭洲在三門海中與龍穴洲相對上多蘭草有二

石並峙潮至此則合

孖洲山在海中

大小磨刀山俱在海中

梭杯山在海中

疊福逕在第七都疊福村近海

後海距縣城五里通于海

大傘小傘二洲俱在縣城西南海中

大王洲在縣西南海中

孖洲在縣西南海中

馬鞍洲在縣西西鄉村前海中

平洲在七都下沙村前洋海中長二三里橫亘海面

舊鄉人放牛于此自生自養數年成羣今遵海禁無

矣

勒馬洲在五都一山橫出海邊形如勒馬

白鶴洲在海中潮長羣鶴俱集望如堆雪

新寧縣上川山在縣城南二百三十里海晏都大海

中

下川山在縣城南三百里亦在大海中與上川山對

峙

銅鼓山在縣城東南二百餘里下瞰巨海羣水共趨

于此

海潮自東南大洋到佛堂門經甲子門至虎頭門凡

順德新會香山諸處皆通潮其潮候初一初二十六

十七日俱已亥時至初三初四初五十八十九二十

日俱子午時至初六二十一日俱丑未時至初七初

八初九初十二二十三二十四二十五日俱寅

申時至十一十二二十六二十七俱卯酉時至十

三十四五二十八二十九三十日俱辰戌時至

按惠州府志海豐縣甲子門水在縣城北二百五十

里海口有大石壁立刻六十甲子字故名其津有奇

石十八彷彿人形人呼為十八學士石宋景炎丁亥

端宗自閩航海嘗駐于此

旗峰山在縣城東一百九十里其山狀如旗半枕海

上

博羅縣小石樓與大石樓相去五里有石門可容几

席俯瞰滄海

佛跡石在海濱上山十里有大小石樓二樓相去五

里其狀如樓有石門俯視滄海夜半見日出有山岸

周迴五里水消長應海潮盈縮之候

龍川縣龍穴山在縣城北一里郡國志云舜時有五

色龍出入此穴其穴潛通海傍于洞庭

按潮州府志海有潮汐說文云朝至曰朝夕至曰汐

寶叔蒙云海鱗出入之度浮屠書云神龍變化海嶠

志以為水隨月之盈虧王充論衡以為水者地之血脈隨氣進退臨安志以為海水盈而為潮縮而為汐晝夜消長不失其期故謂之潮信高麗圖經云天包水水承地而一元之氣升降於太虛之中氣升地沉則水溢而為潮氣降地浮則水縮而為汐抱朴子云天河從北極分為二條至于南極其一經南斗中過其一經東斗中過兩河隨天轉入地下遇兩水相得又與海水合三水相蕩而天轉之故激湧而成潮水盧肇海潮賦云日附於天旋入海而日隨之水因其灼激而退退於彼必盈于此日激水而潮生月離水而潮大地浮于水天在水外日入則晚潮激於左日出則早潮激於右邵子曰海潮者地之喘息乎所以應月者從其類也海潮圖序云潮之進退海非增減蓋月之所在則水往從之故月臨卯酉則潮漲乎東西月臨子午則潮平乎南北彼竭此盈往來不絕皆係於月瓊南則以長短星值日為消長凡此數說其指不同然遠者無徵近者謬陋惟邵子之言最約而中蓋天地之氣升沉摩盪無須臾之停也水乃其氣之流行而可見者然江河津液之水也大海則胃腹之水也故潮之有消有長猶人之有呼有吸乃其自然之理至於潮之必應月者則又以為太陰之精不得不然者也余襄公圖序之言實與邵相表裏蓋邵言其理而余則直指其事耳所謂月臨卯酉則水漲乎東西者言月在卯酉之方則水縮極而復生也諺曰月上水長又曰月落海轉正此說也所謂月臨子午則潮平乎南北者言月在子午之位則潮長極而將退也諺云月盡水縮是也潮之消長三辰而

盈三辰而縮一晝夜而消長凡再然積二日而必差

一辰則應月之驗耳何也日行一晝夜運旋三百六十五度而天一周月之行也一晝夜不及日十二度

有奇以晝夜百刻計之一刻該得二度六分半潮惟應月故一消一長得六時二刻有奇一晝夜再消長

共得十二時四刻強恰好湊及十二度有奇之數積二日共差八刻強而遲一時積十四日半得刻凡五

十而潮復值其初此所以二日必遲一辰而朔望之潮所以相同也初一初二之月則夕隱於西而晨出

於東十五十六之月則夕生於東而晨沒於西故水皆以此時漲乎東西至其日夜之中則月或在天上

或在地中皆臨子午之位故潮皆以此時平乎南北潮視月升沉以爲消長自古及今未之能易也新會

志則以潮汐分爲五節初一初二初三十六十七十八則謂之平初四初五初六十九二十二十一則謂

之落言水勢微劣也初七初八初九二十二二十三二十四則謂之敗魚蝦退散網罟不施初十一十二

二十五二十六二十七則謂之起種植醞釀醫灸忌行三十四三十五三十八三十九四十則謂之旺

余襄公云晦望前三日潮勢長後三日潮極大即此起旺之期也月弦之際潮之去來合沓不盡即此敗

落之期也潮海濱大則以十三日爲起水至十八十九爲大水時二十日爲落至二十七日爲小水時二

十八日爲起水至初三初四爲大水時初五爲落至十二爲小水時至于朔望之晨我處已消而惠州所

屬之潮方長則海門有遠近地勢或南或北有不能盡一者耳今居民以指掌布十二時復以長平滿落

半場六字推之亦甚準云

潮陽縣治外皆海也浪波拍天獨大湖有匯澤號龍潭神龍居之雲雨以興

白牛巖又東十里爲錢澳山前有蓮花峯其北爲鍾山南臨大海有石曰鎮海將軍又東五里爲太湖山

南臨大海下有龍潭東十里曰廣澳山北有招收山三面距海又北十里則磊口山也馬耳山在其外是

爲洋海之門矣揭陽縣濱海有桑浦山在縣東百里跨于海陽界饒平縣南澳山在縣城二百里海中周三百餘

里惠來縣金剛髻山在縣城東北七十里海上赤沙澳在縣城南四十里可蔽海濤

澄海縣大海在縣城東又有鳴洋在外沙海中聲起若雷東風西雨海人候之

海河山在縣城西南五十里亦名巡梅突起海中接潮陽界

小菜蕪山在縣城東十里海中亦名雷子山牛田洋在縣城西北四十五里東南通海內沙汕九

條曰沙馬橫在洋中激流湍急能覆舟產諸海錯鳴洋在南灣海中時或震動如雷鳴東則風鳴西則

雨海人以爲驗按肇慶府志新興縣金臺岡在縣東南九十里廢信安縣海中

陽江縣大海在縣南三十里北津港之外西南自電白縣界連接陽江境歷雙魚城又歷海陵山過北津

港至海朗城皆設兵防蓋陽江之門戶也大澳東北

即新寧縣界中有柳渡三洲大金門上下川俱倭夷停泊之處春秋防海船常哨守

雙魚角在縣西南一百五十里雙魚所左側臨大海頗險

筴杯石在雙魚角西南五里雙屹大海中中通一門雙魚所舟航所從出入也

馬鞍山在筴杯石稍東屹立大海中

糞箕山在馬鞍山東屹立大海中

海陵山在縣城西南七十里大海環之

北津山在縣城南三十里高二十餘丈自東沿海迤邐而來外捍奔潮內衛村陌亦邑之外藩也上有望

海亭

南津山與北津同夾海口其山亦堤海而西數里方止

獨石界在南北津二山之間高十餘丈周四十餘丈出海口二里許下深不測

銀坑山在南津山側稍西五十里爲馬母山在大海中

麻龍渡山在海陵之西北四面皆大海

三汲山在縣東南屹立海中此外皆大洋矣

小鏡山中鏡山大鏡山三鏡皆在大海中相去數十里大鏡高二百餘丈望之俱如覆釜故名已非陽江境以海防所及故存之

白石港在縣西一百里一名石門港在郎官山下邇大海

北津港在縣南三十里北津山之陽受陽春陽江衆水以達于海每潮起洶湧而入遇風則其聲砰擊如雷舟楫往來重防險積蓋東南大海港口皆亂石舟可行者僅僅丈餘必候大潮始進故海寇不敢睥視思平縣金婆山在縣東南二十里自此連山赴海南至灣雷

按高州府志電白縣東南二面皆環大海

安樂山在縣城西南六十里脈接瑚山自北而來蜿蜒四十里而南至海濱雄峙一方右有家頭環抱

蓮頭山在縣城南十里二峯並峙海中若並頭連然邑之案山也下有砂磧自東逕運而西控扼海門如帶

放鷄山在縣南三十里縹緲海中上有神廟航海者過山下皆祀以鷄

晏鏡山在縣南四十里與沿海諸山聯絡邑臨大海空闊無際

吳川縣馬鞍山近碇洲二十里海中

文翁嶺在縣城東三里自電白縣浮山分脈而來峙于海之東

碇洲在縣城南一百四十里屹立海中當南北道乃雷化犬牙處宋末端宗嘗駐此海中黃龍見名洲爲翔龍縣改元祥興

按廉州府志合浦縣珠母海在縣東南八十里巨海中有平江楊梅青嬰三池中出大蚌珠吐寒晶輝光明媚中有潭洲當冠頭嶺之南昔有野馬渡此又名馬渡去海壩大約二百里每天將陰雨輒望見之晴霽則否洲之東南數十里有斜陽嶺純石峙海中然

不若澗洲有澳可以泊舟

冠頭嶺在縣南七十里脈自大廉來起于青山南行爲鬬鷄屏心東山草花牛尾漸伏而西躍出大海三十里當郡城之坤維若郡之外郭其形隆起如冠南北皆有澳海船舶焉海潮生城石若雷

欽州牙山在龍門外海之東廣十里海中特起三山形如排牙

烏雷嶺在城南一百六十里海邊突起望海嶺在城北十五里其巔可仰大海

龍門江在縣南六十里按欽州之山自東行者經佛子面黃坡頭至海轉西向自西行者經天板口大小頭口至海轉東向兩山對峙若門中有石若砥柱內有巨浸曰小海欽江瀛洪二水會流於貓尾出注大海故曰龍門

七十二徑在龍門外羣山錯列海中牙山在七十二徑之東去龍門六十里海中淡水灣在牙山東南通大海

香爐墩在海中按雷州府志海在郡城東十里昔寇萊公少嘗有夢到海只十里之作及抵郡按圖始嘆曰人生得喪豈偶然耶越東海島一望浩無際涯海舟南通瓊崖而西通對樂楊梅珠池東北通閩廣有思靈島在其中潮汐與廣州略同其壯盛悉視月之朔望爲候一月之再盈再虛如前二十五六潮長至朔而盛初三而大盛後又漸殺十一二又長至望而盛十八而大盛後又漸殺新舊相乘日遲一日每歲八九月潮勢獨大夏至潮大于晝冬至潮大于夜此其大較也

海康縣麻囊山在郡城東北八十里枕海虎頭山在郡城東七十里枕大海

徒倉山在郡南一百三十里西枕海中高三十餘丈思靈島在郡城東十里海中

澆洲在城東南一百八十里崛起海中

調洲在郡城東二十五里崛起海中

邵洲在郡城西南一百一十里海中

卯洲在郡城西南一百二十里海中

洪排港在郡城西一百六十里薄于海岸

遂溪縣調樓山在城東北一百五十里枕海

潤洲山在城西南二百里突起西海中

烏蛇嶺在城東北一十一里高十五仞周圍十里蜿蜒雄峻其山東西距海

尉律嶺在城東一百里盡海處屹起十餘仞爲東方

巨鎮舟船自廣回至汾洲洋中先見此嶺以爲指歸

徐聞縣小遂山在縣城南二十里突起海中

三塾在縣城南二十里突起海中

乾窖港在縣城西四十里自海口入觀昌村

東塲港在縣城西五十里自海岸入東山

按瓊州府志瓊州海之潮候與江浙欽廉之潮不同其地勢異也郡與徐聞對境兩岸相夾故潮長則西

流消則東流日有消長常也八月九月其勢獨大每日兩有消長者其變也故舊潮漸減漸小謂之老潮

新潮漸退漸大謂之穉潮十一月朔或時不測而長謂之偷潮其大小之候隨長短星不係月之盛衰著

志云瓊海南諸港朔望前後潮大上下弦前後潮小二至前後潮大二分前後潮小夏至潮大于晝冬

至潮大于夜又云晴則望南而吼陰則望北而吼人以爲陰精驗之果然又云交廣潮候與閩越相去亦少差而瓊崖僑萬之候大小俱各差殊其半月東流半月西流則同不係月大小之盛衰按余襄公謂陽燧取火于日陰鑑取水于月從其類也故月之所臨則水往從之月臨卯酉則水漲乎東西月臨子午則潮平乎南北朔望前後月行差疾故潮勢大月弦之際月行差遲故潮之去來亦合查不盡又自謂嘗候潮於東南海見月臨卯東海潮平而南海未長月臨午南海潮平而東海已消皆不同時天台史氏伯璿則以爲謂潮水與月相應則可謂水往從月則不可蓋謂水與月皆物也而無相從之理此于襄公說中或有意外之見云

海溢俗呼海翻颶風起西北挾雨水須臾溢高十餘丈漫屋淅田即無大雨江水漲溢則田疇積鹹連年失耕沿海苦之

瓊山縣海口渡在縣北十里北達徐聞踏磊驛順風半日可至舟候潮而開有海南道副使程有守潮信碑豎海口天妃廟前凡渡舟達徐聞者三處海口官渡白沙古渡烈樓渡自烈樓嘴達車輪浦較近西石山在縣西四十里一名馬鞍山上有井與海通

烈樓港在縣西二十里自徐聞那黃渡開船小午可到乃漢軍渡海之處海邊有大石一所生出海北三墩名曰烈樓嘴海南地接徐聞此最近舟一朝可到澄邁縣泉鑿港在縣西五十里海潮進入成港文昌縣七星山在縣城北一百五十里大海中峰連

有七一名七洲洋山下出淡水航海者必于此取水採薪其東七星泉晝夜混混不涸浮山在城東一百里山立海中分潮水東西流俗呼分洲洋

焚樓嶺在城北一百三十里邁嶺都海傍世傳漢樓船將軍楊樸初渡海至此即焚其船激勵士卒

清瀾港在城東南三十里源自下場溪西二處合流至此與海潮相會成港

石欄港在城北一百二十里亂石欄障海洋水上開三門戶

會同縣佛子嶺在海邊峻嶒數丈

樂會縣博教港在城南十餘里受萬泉溫泉流馬諸水中有聖石峰鎮于海口

儋州獅子石在城西五十里海中

昌化縣馬嶺在城南三十里山勢起伏至海濱

陵水縣大小牛頭嶺在城東三十里臨海兩山對峙如牛

加攝嶼在城東四十里大海中

崖州澄島山在州城西南十五里孤高近海

鸚鵡嘴山在州城東一百八十里海濱

大小玳瑁洲大洲在州城東南臨川場海中小洲在州城西南黎伏鄉海中

烏石塘在州南四里海濱

石排港在州城西南四十里海邊有巨石排列橫海一里中可泊舟

感恩縣魚鱗洲在縣城北七十里海濱

按邊海外國志西洋安南都統使司在瓊海正西南

其地東至海三百二十里與儋昌相值南接占城界一千九百里東南泛洋可一日程西至雲南北至廣西

占城國在瓊州西南其地東至海一百二十里西至瓜哇南接真臘北連安南東西五百里南北袤一千里

真臘國在占城西南順風三晝夜可抵其國其地東至海西接蒲甘南連羅希北抵占城

瓜哇國在真臘南海中洲上東至海一日泛海半月至崑崙國南至海三日泛海五月至蘇門答刺西至海四十五日北至海四日西北泛海十五日至渤泥國又十五日至三佛齊國又十日至柴歷亭

三佛齊宣慰使司在占城南相距五日程居真臘瓜哇間管十五州前瓊人常被掠其地逃回

暹羅國古赤土也在占城極南本暹與羅斛二國後爲一東接波羅刺西波羅婆南訶羅日北距大海地方數千里

渤泥國在西南大海中瓜哇屬國也南去瓜哇十五日程北至三佛齊十四日程東至占城三十日程前瓊人被掠常驚于此多有盜船逃回者

滿刺加國在占城南自三佛齊順風八晝夜可達蘇門答刺國在占城之西洋中古大食國也南接賓童國東北接雪嶺嶺西北與大秦相連自滿刺加順風八晝夜可達

錫蘭山國在西洋與柯枝國對峙自蘇門答刺國順風十二晝夜可抵其國

佛朗機國在瓜哇南其人好食小兒以火銃自衛嘉

方輿彙編山川典第三百九卷海部

第二〇八冊 之〇六葉

靖初赴廣東入貢潛掠小兒煮食海南汪鉉以兵擒之

柯枝國在錫蘭山南以別羅里爲界其地接連大小葛蘭二國

溜山洋國在別羅里南順風七晝夜可達

大小葛蘭國在錫蘭山國西地連暹羅

木骨都束國在大小葛蘭國西順風二十晝夜可達

古里國在溜山洋國南順風十日可達

小刺哇國在古里國南順風二十一晝夜可達

忽魯謨斯國在古里國西順風十晝夜可達

刺撒國在忽魯謨斯國西順風二十日可達

阿丹國在刺撒國西順風二十二晝夜可達

天方國即西洋盡處也自忽魯謨斯國西四十晝夜可達

東洋琉球國在東洋大海中當福建泉州東順風舟行五日而止有大小琉球

日本國古倭奴也後自恥其名而改之在東海中當朝鮮下流與閩浙相值東有小日本國

黃支國民俗略與珠崖相類其州甚大戶口甚繁多異物

韓國有七千餘里其地大約在會稽之東與朱崖儋耳相近

海部彙考四

周

周制以仲冬之月祭四海將祭則飾黃駒

按禮記王制仲冬之月命有司祈祀四海大川名源淵澤井泉

按周禮夏官校人凡將有事于四海山川則飾黃駒

漢

武帝元封元年兩巡海上

按漢書武帝本紀元封元年春正月東巡海上夏四月行自泰山復東巡海上至碣石自遼西歷九邊九原歸于甘泉

太初三年春正月行東巡海上

按漢書武帝本紀云云

宣帝神爵元年詔祀四海

按漢書宣帝本紀不載 按郊祀志神爵元年制詔太常夫江海百川之太者也今闕焉無祠其令祠官以禮爲歲事以四時祀江海雒水所爲天下豐年焉

晉

元帝建武元年令以孟春仲冬祀海漬

按晉書元帝本紀不載 按隋書禮儀志建武元年令郡國有五岳者置宰祝二人及有四瀆若海應祀者皆以孟春仲冬祠之

隋

文帝開皇十四年詔東海南海並近海立祠

按隋書文帝本紀不載 按禮儀志開皇十四年閏七月詔東海於會稽縣界南海於南海鎮南並近海立祠取側近巫一人主知洒掃並命多時松柏

開皇十五年東巡望祭海漬

按隋書文帝本紀開皇十五年三月己未至自東巡狩望祭五岳海漬

唐

元宗開元十四年定開元禮立每歲祭海常規

按唐書元宗本紀不載 按禮樂志五岳四鎮歲一祭各以五郊迎氣日祭之東海於萊州南海於廣州

西海及河於同州北海及濟於河南凡嶽鎮海漬祭于其廟無廟則爲之壇海漬之壇於坎廣一丈四向爲陛又岳鎮海漬以山尊實醴齊皆二以兩圭有邸幣如其方色籩豆十簋二簠二俎三牲皆太牢

按通典開元禮岳鎮海漬每年一祭祭前一曰嶽令漬令清掃內外又爲壅坎于壇壬地方深取足容物

海漬則坎內爲壇高丈四尺皆爲陛 又祭海漬無望壅位 又祭海漬獻官拜訖漬令及齋郎以幣血

沉于漬漬令退就位餘皆與岳鎮同

開元二十二年定祭海漬用牲牢

按唐書元宗本紀不載 按舊唐書元宗本紀開元二十二年春正月癸亥朔制嶽鎮海漬用牲牢餘並以酒醢充奠

天寶八載遣使祭北海

按唐書元宗本紀不載 按冊府元龜天寶八載九月命太僕少卿兼單于安北副大都護張齊丘祭北海

天寶十載封四海爲王遣使分祭

按唐書元宗本紀不載 按冊府元龜天寶十載正月丁未封東海爲廣德王南海爲廣利王西海爲廣

潤王北海爲廣澤王二月己亥申命太子中允李隨祭東海儀王府長史張九章祭南海太子中允柳奕祭西海太子洗馬李隨榮祭北海加王位且行冊禮也

德宗貞元二年四月詔太常少卿裴郁等十人各就方鎮祭嶽鎮海濱

按唐書德宗本紀不載 按冊府元龜云云

宋

太祖乾德六年有司請祭四海

按宋史太祖本紀不載 按圖書編宋初緣舊制祭止四岳乾德六年有司請祭東海于萊州南海于廣州西海于河中府北海于孟州

開寶四年廣南平遣使祭南海

按宋史太祖本紀開寶四年二月廣南平六月遣使祀南海 按禮志太祖平廣南遣司農少卿李繼芳祭南海除去劉鋹所封僞號以一品服又命李昉盧多遜王祐尾蒙等分撰岳瀆祀及歷代帝王碑遣翰林待詔孫崇望等分詣諸廟書于石

開寶五年詔東南海各以本縣令尉主祀事 按宋史太祖本紀不載 按禮志太祖詔嶽瀆並東海廟各以本縣令兼廟令尉兼廟丞專管祀事

按玉海開寶五年六月五日詔嶽瀆及東南海以令尉兼廟令丞主祀事

太宗淳化二年定四海常祭日與祭所

按宋史太宗本紀不載 按禮志淳化二年祕書監李至言按五郊迎氣之日皆祭逐方岳鎮海瀆自兵

亂後有不在封域者遂闕其祭國家克復四方開雖

奉詔特祭未著常祀望遵舊禮就迎氣日各祭於所隸之州長吏以次爲獻官其後立春日祀東海于萊州立夏祀南海于廣州立秋祀西海河瀆並于河中府西海就河瀆廟望祭立冬祀北海濟瀆並于孟州北海就濟瀆廟望祭

眞宗大中祥符元年命祭西海又親謁西海望祭壇 按宋史眞宗本紀不載 按禮志眞宗封禪畢車駕次澶州命陳堯叟祭西海至潼關還至河中親謁河瀆廟及西海望祭壇五月丁未詔嶽瀆四海諸廟遇設醴除青詞外增正神位祝文

大中祥符四年定西海望祭壇制 按宋史眞宗本紀不載 按玉海大中祥符四年二月甲子親謁河瀆廟西海望祭壇詔禮官定壇制高四尺四面爲陛

大中祥符六年九月辛卯修南海廟

按宋史眞宗本紀不載 按玉海云云 仁宗康定元年詔封四海神爲王 按宋史仁宗本紀不載 按禮志康定元年詔加東海爲淵聖廣德王南海爲洪聖廣利王西海爲通聖廣潤王北海爲沖聖廣澤王

皇祐五年加封南海王號 按宋史仁宗本紀不載 按禮志皇祐五年以儂智高遁益封南海洪聖廣利招順王

神宗熙寧九年遣使祭南海 按宋史神宗本紀熙寧九年春正月庚辰遣使祭南海

岳南海告以南伐 元豐二年詔立四海壇

方輿彙編山川典第三百九卷海部

按宋史神宗本紀不載 按玉海元豐二年知湖州陳侗請依周禮建四望壇于四郊八月詳定禮文兆四望于四郊每方岳鎮海瀆共爲一壇望祭以四時迎氣日祭之用血祭瘞狸

徽宗大觀四年加封東海王號 按宋史徽宗本紀不載 按禮志東海大觀四年加號助順廣德王

高宗紹興七年命舉祭海濱禮 按宋史高宗本紀紹興七年五月壬申命禮官舉岳鎮海瀆之祀 按禮志紹興七年太常博士黃積厚言岳鎮海瀆請以每歲四立日分祭東西南北如祭五方帝禮詔從之

孝宗乾道五年加封東海神八字如南海禮 按宋史孝宗本紀不載 按禮志乾道五年太常少卿林栗言國家駐蹕東南南海實任封域之內自渡江以後惟南海王廟歲時降御書祝文加封至八字王爵如東海之詞但以萊州隔絕未嘗致祭殊不知通泰明越溫台泉福皆東海分界也紹興中金人入寇李寶以舟師大捷于膠西神之助祐爲有功矣且元豐間嘗建廟于明州定海縣請依南海特封八字上爵遣官詣明州行禮詔可

理宗淳祐十二年詔海神爲大祀 按宋史理宗本紀淳祐十二年癸亥詔海神爲大祀春秋遣從臣奉命往祠太常其條具典禮來上

金

世宗大定四年定以四立日祭四海 按金史世宗本紀不載 按禮志大定四年禮官言

第二〇八冊 之〇七葉

岳鎮海瀆當以五郊迎氣日祭之詔依典禮以四立土王日就本廟致祭其在他界者遙祀立春祭東海于萊州立夏望祭南海于萊州立秋望祭西海于河中府立冬望祭北海于孟州其封爵並仍唐宋之舊

元

世祖中統二年遣使祭東海廟又定祭四海所遣官按元史世祖本紀中統二年冬十月遣道士訾洞春代祀東海廣德王廟按祭祀志岳鎮海瀆代祀自中統二年始凡十有九處分五道後乃以東海爲東道北海南海爲南道西海爲西道既而又以驛騎迂遠復爲五道道遣使二人集賢院奏遣漢官翰林院奏遣蒙古官出璽書給驛以行中統初遣道士或副以漢官

至元三年定四海祭日及祭所

按元史世祖本紀不載按祭祀志至元三年夏四月定歲祀岳鎮海瀆之制正月立春日祀東海于萊州界三月立夏日遙祭南海于萊州界七月立秋日遙祭西海于河中府界十月立冬日遙祭北海于登州界祀官以所在守土官爲之既有江南乃罷遙祭至元十五年封南海神女爲天妃

按元史世祖本紀至元十五年秋八月制封泉州神女號護國明著靈惠協正善慶顯濟天妃按祭祀志凡名山大川忠臣義士在祀典者所在有司主之惟南海神女靈惠夫人至元中以護海運有奇應加封天妃神號積至十字廟曰靈慈直沽平江周涇泉福興化等處皆有廟至元二十二年春正月甲申遣使代祀東海

按元史世祖本紀云云

至元二十三年遣使祀東海

按元史世祖本紀至元二十三年春正月壬午太陰犯軒轅太民遣使代祀岳鎮東海

至元二十六年遣使祀東南海

按元史世祖本紀至元二十六年春正月辛丑遣使代祀岳鎮東南海

至元二十七年遣使祀海瀆又修東海神廟

按元史世祖本紀至元二十七年春正月丁巳遣使代祀岳鎮海瀆九月辛亥修東海廣德王廟

至元二十八年遣祭南海詔加四海封號

按元史世祖本紀至元二十八年饑二月己卯遣官持香詣中嶽南海淮瀆致禱丁酉詔加岳瀆四海封號各遣官詣祠祭告按祭祀志二十八年正月帝謂中書省臣言曰五岳四瀆祀事朕宜親往道遠不可大臣如卿等又有國務宜遣重臣代朕祀之漢人選名儒及道士習祀事者其禮物則每歲歲祀銀香合一重二十五兩五岳組金幡二鈔五百貫四瀆織金幡二鈔二百五十貫四瀆四鎮銷金幡二鈔二百五十貫至則守臣奉詔使行禮皇帝登寶位遣官致祭降香幡合如前禮惟各加銀五十兩五岳各中統鈔五百貫四瀆四海四鎮各中統鈔二百五十貫或他有禱禮亦如之其封號至元二十八年春二月加封東海廣德靈會王南海廣利靈孚王西海廣潤靈通王北海廣澤靈祐王

至元二十九年遣使祀四海按元史世祖本紀至元二十九年二月遣使代祀岳

瀆四海

至元三十年遣使祀東海

按元史世祖本紀至元三十年春正月丁亥遣使代祀岳鎮東海

仁宗皇慶年定歲祀南海女神靈惠夫人

按元史仁宗本紀不載按祭祀志南海女神靈惠夫人皇慶以來歲遣使齋香遍祭金幡一合銀一錠付平江官漕司及本府官用柔毛酒醴便服行事祝文云惟年月日皇帝特遣某官等致祭于護國庇民廣濟福惠明著天妃

英宗至治元年遣使祀海神天妃

按元史英宗本紀至治元年五月辛卯海漕糧至直沽遣使祀海神天妃

至治三年復祀海神天妃

按元史英宗本紀至治三年二月海漕至直沽遣使祀海神天妃

泰定帝泰定元年遣使祀海神

按元史泰定帝本紀不載按續文獻通考泰定元年以鹽官州海水盜遣使祀海神

泰定三年兩祭海神

按元史泰定帝本紀泰定三年秋七月遣使祀海神天妃八月作天妃宮于海津鎮鹽官州大風海溢遣使祀海神

泰定四年遣使祀海神

按元史泰定帝本紀泰定四年秋七月遣使祀海神天妃

致和元年正月遣使祭海神加封號三月再祭海神

天妃

按元史泰定帝本紀泰定四年秋七月遣使祀海神

天妃

致和元年正月遣使祭海神加封號三月再祭海神

按元史泰定帝本紀致和元年春正月甲申遣使祀海神天妃加封幸淵龍神福惠昭惠公三月甲申遣戶部尚書李家奴往鹽官祀海神仍集議修海岸文宗天曆二年十月加封海神天妃賜廟額十一月遣使再祀天妃

按元史文宗本紀天曆二年冬十月己亥加封天妃爲護國庇民廣濟福惠明著天妃賜廟額曰靈慈遣使致祭十一月戊午遣使代祀天妃

至順二年遣使祀海濱

按元史文宗本紀至順二年冬十月甲辰遣祕書太監王珪等代祀岳鎮海濱土后

至順三年遣使祀海濱

按元史文宗本紀至順三年六月癸丑遣使分祀岳鎮海濱

順帝至正十四年詔加海神封號

按元史順帝本紀至正十四年冬十月甲辰詔加號海神爲輔國護聖庇民廣濟福惠明著天妃

明

太祖洪武三年始正四海神稱號

按春明夢餘錄洪武三年夏六月始正岳鎮海濱及各城隍等稱號四海稱東海之神南海之神西海之神北海之神

洪武七年定四海神祭所

按明會典洪武七年定岳鎮海濱祭所東海山東萊州府祭西海山西蒲州祭南海廣東廣州府祭北海河南懷慶府祭

洪武二十六年命四海以所在官司擇日祭之定祭

四海祝文

按明會典洪武二十六年命凡岳鎮海濱已有取勘定擬致祭去處所在官司以春秋仲月上旬擇日致祭近布政司者布政司官致祭近府州縣者府州縣官致祭各用帛一五岳五鎮四海各隨方色四海祝帛俱沈水中祭四海祝文云惟神靈鍾坎德萬水所宗功利深廣溥濟斯民時惟仲秋謹具牲醴庶品用申常祭尚享

穆宗隆慶三年遣使祭東海

按續文獻通考隆慶三年八月以洪水爲災命巡撫都御史谷中虛祭東海之神

海部彙考五

皇清

國朝定四海祭所

大清會典凡各處嶽鎮海濱及歷代帝王陵寢恭遇登極親政尊加

徽號冊立

東宮一應慶賀大典頒布

恩詔必遣官分行祭告每年仍令有司以時致祭現在舉行者東海于山東萊州府祭西海山西蒲

州祭南海廣東廣州府祭北海河南濟源縣祭其祭文等項與岳鎮同

順治八年

大清會典順治八年以親政遣祭告海濱是年恭上昭聖慈壽皇太后尊號遣官祭告歷代陵寢先師闕里等七處凡七員一差山東祭東海一差河南祭北海一差浙江祭南海一差山西祭西海

康熙六年

大清會典康熙六年

皇上親政七月遣官祭告岳鎮海濱等八處凡八員南海南鎮分爲二差餘如舊其祭文祭品香帛等項俱照順治八年行